

Josefina Croes

REDACTORA DI DIARIO

"Mi a cuminza traha na DIARIO dia 3 di Januari 1997, despues di tabata inactivo den Prensa y fuera di e pais pa algun aña.

Anteriormente, mi a traha pa varios medio di comunicacion y tambe como locutora di noticia na Voz di Aruba".

PAKICO MI A SCOGE E TRABAO DI REDACCION ?

"Semper mi a gusta skirbi poema y versonan como un pasa tempo natural di cual mi ta conserva un coleccion.

Ademas mi a scoge pa e trabao di redaccion como cu mi tabata inspira y skirbi articulonnan pa e Matutino DIARIO prome cu mi a bin traha na DIARIO y mi ta gusta skirbi di tur cos un poco.

Skirbiendo pa un corant mi a pensa cu mi por alcanza hopi hende hibando e noticia, informacion y mensa- henan cu Pueblo mester y pesey awe mi ta forma parti di e Staff dinamico di DIARIO.

Como redactor di DIARIO mi ta percura pa cierto articulonnan den cual mi por expresa mi mes na un manera critico positivo riba diferente topiconan.

Tambe como Redactor ta

hopi interesante pa trece e pensamiento di e lector, su deseonan y inquietudnan, su logronan, rechazo y disgus- tonan den e Columna di Finchi.

Mi por bisa cu tur seguridad cu mi por a comproba y a wordo bisa tambe con varios persona ta wordo alcanza cu resultadonan positivo y ta mira te hasta solucion pa algun problema".

CON MI TA HAYA E TRABAO DI REDACTOR

"E trabao como Redactor ta uno hopi interesante y alavez importante ademas sublime y inspirador.

Interesante, pasobra e ta ponebo den contacto cu demas personan cu nan diferente inquietud y proble- manan mi ta haye mar- aviyoso tambe si considera cu cada hende ta un mundo riba su mes cu multiple fac- eta.

Un CORANT ta un medio a travez di cual e REDAC- TOR (den mi caso) ta comu- nica su mes cu un persona hopi importante y cu mi ta tene cuenta cune ta trata aki di e LECTOR.

E lector cu ta cumpra of ta abona na e corant di su pref- erencia mayoria biaha kier lesa asintonan cu e ta con-



sidera interesante, apremi- ante y cu mester di solucion.

E lector kier sa con ta para cu cierto acontecimentonan di diferente naturaleza sea gubernamental, politico, cultural, policial, y tur otro noticia y avisonan cu con- huntamente ta produci. Iloe nos ta yama un corant, den e caso aki mi ta referi na Matutino DIARIO di cual mi ta sinti orguyoso di pertenece na su Staff".

CU E TRABAO DI REDACCION TA EXIGI HOPI ?

"Claro, mi ta haya cu e trabao di redaccion si ta exigí hopi.

E motibo pa kico e trabao di redaccion ta exigí hopi ta, cu e ta un funcion cu no ta tuma solamente un horario di ocho ora na pia di trabao, pero continuamente tin algo cu por yama mi atencion y por bira material valioso pa pone den palabra y ofrece nos lectoran.

Por ehemplo, despues di horario di trabao mes, un redactor/fotografo por wak pa loke ta trata naturaleza un bunita paisahe, puesta di solo, parhanan y saca algun potret y traha un articulo inspirador.

Tin tambe escenanan menos agradable manera un accidente leve of fatal, un bululu na unda cu sla cu machete of bate ta cay, cu nos por topa cu esaki no necesariamente durante di e horario di trabao.

Tambe por tin casonan momento cu algo inespera por a sosode y cu ayudo di camera por trece e noticia of

informacion redacta pa lec- tornan.

Esaki ta trabao di DIARIO en general, nos ta continua- mente alerta pa e noticia e loke ta sosode rond y paden di nos mes y cuidadosa- mente (pa no pega barco) trece den publicidad".

CUAL TA E NOTICIA CU MAS A CONMOVE MI ?

"E noticia di privatiza- cionnan, ta ademas un hecho sin precedente, pasobra e ta ensera henter un comunidad cu ciudadanonan votador cu mester a tene mas cuenta cu nan.

E asunto di haci y deshaci pasobra algun tin cierto autoridad y poder sin tene cuenta cu opinion di e Pueblo votador ta un abuso di confianza.

Tur nacion ta lucha cu e tipo di confrontacionnan aki cu ta e comehein cu pueblo- nan mester soporta, provo- cando hopi biaha cu algun caminda cosnan por sali for di man cu e consecuen- cianan serio cu esaki por trece cune.

Otro parti cu mas a con- movemi tambe ta, con fami- anan di menos recurso lo cuminza pa cubri gastonan halto pa nan enfermeda- nan, dia cu yega asina leu cu nan lo mester di algun servico priva caro, mientras tur dia algun mester guli of inhala un of otro materia di contaminacion existente riba nos isla" ?

CUAL TA E MALTRIP EHERCIENDO MI TRA- BAO E AÑA AKI ?

"Como redactor un dia mi a bay incursiona como Fotografo cu mi camera nobis nobis, terminando un entrevista despues cu demas hendenan di Prensa a bay mi a bay saca algun foto despues di un par di click nada a sosode ni flash a funci- ona tur cos tabata riba off.

Mi a subi mi auto bay di biaha. Tambe un biaha cu mi tabata entrevista un per- sona y ora cu mi a bay traha e articulo no tabata tin nada graba, e adapter tabata poni robez.

Despues cu e persona a papia su alma y a gasta su energia, no ta facil pa bay aserke bis'e kico a pasa, pero nan ta comprende si".

KICO PA MI TA NOTI- CIA?

"Noticia ta tur loke mi por "recoge" sea riba caya, of ta ricibi di un of mas persona personalmente via telefon of anonimamente of na un manera confidencial.

Noticia tambe ta e busca- mento di e mentira of e informacion ricibi mayoria biaha desfigura y poco dudoso y investiga y confir- ma un ke otro pa haya e noticia corecto.

Solamente asina mi por presenta e berdad cu semper mester ta basa riba hechonan bon confirma sea cu docu- mentonan, of pruebanan di cu loke mi a redacta pa publi- ca ta basa riba e berdad.

Masha poco a sosode tambe cu den pura of descui- do mi por a lubida di confir- ma un ke otro no mucho serio anto e ora ey si ban enfrenta e consecuencia.

Experiencia a siña mi cu ta hopi importante pa busca confirmacion di un noticia ricibi y tuma contacto cu e otro banda di medaya, hopi biaha e otro banda tin un version completamente diferente".

KICO PA MI TA NOTI- CIA?

"Noticia ta tur loke mi por "recoge" sea riba caya, of ta ricibi di un of mas persona personalmente via telefon of anonimamente of na un manera confidencial.

Noticia tambe ta e busca- mento di e mentira of e informacion ricibi mayoria biaha desfigura y poco dudoso y investiga y confir- ma un ke otro pa haya e noticia corecto.

Solamente asina mi por presenta e berdad cu semper mester ta basa riba hechonan bon confirma sea cu docu- mentonan, of pruebanan di cu loke mi a redacta pa publi- ca ta basa riba e berdad.

Masha poco a sosode tambe cu den pura of descui- do mi por a lubida di confir- ma un ke otro no mucho serio anto e ora ey si ban enfrenta e consecuencia.

Experiencia a siña mi cu ta hopi importante pa busca confirmacion di un noticia ricibi y tuma contacto cu e otro banda di medaya, hopi biaha e otro banda tin un version completamente diferente".

DIARIO CELEBRANDO 18 AÑA

Pabien

na e matutino
cu ta tene e pueblo
bon informa tur dia